



千金方衍義

中武 9  
176  
11



門中武  
籍 176  
卷 11



孫真人千金方衍義卷七

長洲張 璐路玉著

南沙席世臣郢客校

風毒脚氣方

凡五類

論風毒狀第一 論十六首

論曰攷諸經方往往有脚弱之論而古人少有此疾自永嘉南渡衣纓士人多有遭者嶺表江東有支法存仰道人等並留意經方偏善斯術晉朝仕望多獲全濟莫不由此二公又宋齊之間有釋門深師師道人述法存等諸家舊方為三十卷其脚弱一方僅百

千金方衍義卷七

掃葉山房



餘首魏周之代蓋無此病所以姚公集驗殊不慙慙  
徐王撰錄未以爲意特以三方鼎峙風教不一霜露  
不均寒暑不等是以關西河北不識此疾自聖唐開  
闢六合無外南極之地襟帶是重爪牙之寄作鎮於  
彼不習水土往者皆遭近來中國士大夫雖不涉江  
表亦有居然而患之者良由今代天下風氣混同物  
類齊等所致之耳然此病發初得先從脚起因卽脛  
腫時人號爲脚氣深師云脚弱者卽其義也深師述  
支法存所用永平山敷施連范祖耀黃素等諸脚弱  
方凡八十餘條皆自精要然學者尋覽頗覺繁重正  
是方集耳卒欲救急莫測指南今取其所經用灼然  
有效者以備倉卒餘者不復具述

論何以得之於脚

問曰風毒中人隨處皆得作病何偏著於脚也荅曰  
夫人有五臟心肺二臟經絡所起在手十指肝腎與  
脾三臟經絡所起在足十指夫風毒之氣皆起於地  
地之寒暑風濕皆作蒸氣足常履之所以風毒之中  
人也必先中脚久而不瘥遍及四肢腹背頭項也微  
時不覺癩滯乃知經云次傳間傳是也

論得已便令人覺不

凡脚氣病皆由感風毒所致得此病多不令人即覺  
會因他病一度乃始發動或奄然大悶經三兩日不  
起方乃覺之諸小庸醫皆不識此疾謾作餘病治之  
莫不盡斃故此病多不令人識也始起甚微食飲嬉  
戲氣力如故惟卒起脚屈弱不能動有此爲異耳  
黃帝云緩風濕痺是也

論風毒脚氣相貌

夫有脚氣未覺異而頭項臂膊已有所苦有諸處皆悉  
未知而心腹五內已有所困又風毒之中人也或見  
食嘔吐增聞食臭或有腹痛下痢或大小便秘澀不

通或胸中衝悸不欲見光明或精神昏憤或喜迷忘  
語言錯亂或壯熱頭痛或身體酷冷疼煩或覺轉筋  
或腫不腫或胫腿頑痺或時緩縱不隨或復百節攣  
急或小腹不仁此皆脚氣狀貌也亦云風毒脚氣之  
候也其候難知當須細意察之不爾必失其機要一  
朝病成難可以理婦人亦爾又有婦人產後春夏取  
涼多中此毒深宜慎之其熱悶掣癢驚悸心煩嘔吐  
氣上皆其候也又但覺臍下冷痞幅幅然不快兼小  
便淋瀝不同生平卽是脚氣之候頑弱名緩風疼痛  
爲濕痺

論得之所由

凡四時之中皆不得久立久坐濕冷之地亦不得因酒醉汗出脫衣靴襪當風取涼皆令脚氣若暑月久坐久立濕地者則熱濕之氣蒸人經絡病發必熱四肢酸疼煩悶若寒月久坐久立濕冷地者則冷濕之氣上入經絡病發則四體酷冷轉筋若當風取涼得之者病發則皮肉頑痺諸處攣動漸漸向頭凡常之日忽然暴熱人皆不能忍得者當於此時必得頓取於寒以快意也卒有暴寒復不得受之皆生疾病也世有勤功力學之士一心注意於事久坐行立於濕

地不時動轉冷風來擊入於經絡不覺成病故風毒中人或先中手足十指因汗毛孔開腠理疎通風如急箭或先中足心或先中足趺或先中膝已下臍脛表裏者若欲使人不成病者初覺卽灸所覺處二三十壯因此卽愈不復發也

黃帝云當風取涼醉以入房能成此疾

論冷熱不同

問曰何故得者有冷有熱荅曰足有三陰三陽寒中三陽所患必冷暑中三陰所患必熱故有表裏冷熱不同熱者治以冷藥冷者療以熱藥以意消息之脾

受陽毒卽熱頑腎受陰濕卽寒痺

論因脚氣續生諸病

雖患脚氣不妨乳石動發皆須服壓石藥療之夫因患脚氣續生諸病者則以諸藥對之或小便不利則以猪苓茯苓及諸利小便藥治之大便極堅者則以五柔麻人丸等治之遍體腫滿成水病者則取治水方中諸治水之藥治之餘皆倣此更無拘忌

論須療緩急

凡小覺病候有異卽須大怖畏決意急治之勿緩氣上入腹或腫或不腫胸脇逆滿氣上肩息急者死不

旋踵寬者數日必死不可不急也但看心下急氣喘不停或自汗數出或乍寒乍熱其脈促短而數嘔吐不止者皆死

論虛實可服藥不可服藥

凡脚氣之疾皆由氣實而死終無一人以服藥致虛而殂故脚氣之人皆不得大補亦不可大瀉終不得畏虛故預止湯不服也如此者皆死不治也

論看病問疾人

世間大有病人親朋故舊交遊來問疾其人曾不經一事未讀一方自騁了了詐作明能談說異端或言

是虛或道是實或云是風或云是蠱或道是水或云是痰紛紜謬說種種不同破壞病人心意不知孰是遷延未定時不待人歛然致禍各自散走是故大須好人及好名醫識病深淺探蹟方書博覽古今是事明解者看病不爾大誤人事竊悲其如此者衆故一顯析具述病之由狀令病者讀之以自防備也但有一狀相應則須依方急治勿取外人言議自貽憂悔但詳方意莫信他言以自誤也余嘗爲人撰門冬煎方見十二卷瞻肺門名天門冬煎此方治脚氣大有驗病者須用之

論脈候法

凡脚氣雖殊診候不異而三部之脈要須不違四時者爲吉其逆四時者勿治餘如脈經所說此中不復具載其人本黑瘦者易治肥大肉厚赤白者難愈黑人耐風濕赤白不耐風瘦人肉硬肥人肉軟肉軟則受疾至深難愈也

論腫不腫

凡人久患脚氣不自知別於後因有他疾發動治之得瘥後直患嘔吐而復脚弱余爲診之乃告爲脚氣病者曰某平生不患脚腫何因名爲脚氣不肯服湯

餘醫以爲石發狐疑之間不過一旬而死故脚氣不  
得一向以腫爲候亦有腫者有不腫者其以小腹頑  
痺不仁者脚多不腫小腹頑後不過三五日卽令人  
嘔吐者名脚氣入心如此者死在旦夕凡患脚氣到  
心難治以其腎水尅心火故也

論須慎不慎

凡脚氣之病極須慎房室羊肉牛肉魚蒜葷菜苾菜  
蔓青瓠子酒麪酥油乳麋猪鷄鴨有方用鯉魚頭  
此等並切禁不得犯之并忌大怒惟得食粳梁粟米  
醬豉葱韭薤椒薑橘皮又不得食諸生果子酸酢之  
食犯者皆不可瘥又大宜生牛乳生栗子

論差能治者幾日可瘥

凡脚氣病枉死者衆略而言之有三種一覺之傷晚  
二驕狠恣傲三狐疑不決此三種正當枉死之也故  
世間誠無良醫雖有良醫而病人有性靈堪受入者  
更復尠少故雖有騏驥而不遇伯樂雖有尼父而人  
莫之師其爲枉橫亦猶此也今有病者有受入性依  
法使余治之不過十日可得永瘥矣若無受入性者  
亦不須爲治縱令治之恐無瘥日也非但脚氣諸病  
皆然良藥善言觸目可致不可使人必服法爲信者



施不爲疑者說

論灸法

凡脚氣初得脚弱便速灸之并服竹瀝湯灸訖可服  
八風散無不瘥者惟急速治之若人但灸而不能服  
散服散而不灸如此者半瘥半死雖得瘥者或至一  
二年復更發動覺得便依此法速灸之及服散者治  
十十愈此病輕者登時雖不卽死治之不當根源不  
除久久期於殺人不可不精以爲意

初灸風市

次灸伏兔

次灸犢鼻

次灸膝兩眼

次灸三里

次灸上廉

次灸下廉

次灸絕骨

凡灸八處第一風市穴可令病人起正身平立垂兩  
臂直下舒十指掩著兩髀便點當手中央指頭髀大  
筋上是灸之百壯多亦任人輕者不可減百壯重者  
乃至一處五六百壯勿令頓灸三報之佳第二伏兔  
穴令病人累夫端坐以病人手扶掩橫膝上下傍與  
曲膝頭齊上傍側夫際當中央是灸百壯亦可五十  
壯第三犢鼻穴在膝頭蓋骨上際外骨邊平處以手  
按之得節解則是一云在膝頭下近外三骨箕踵中  
動脚以手按之得窟解是灸之五十壯可至百壯第

四膝眼穴在膝頭骨下兩傍陷者宛宛中是第五三里穴在膝頭骨節下一夫附脛骨外是一云在膝頭骨節下三寸人長短大小當以病人手夫度取灸之百壯第六上廉穴在上廉下一夫亦附脛骨外是灸之百壯第七下廉穴在上廉下一夫一云附脛骨外是灸之百壯第八絕骨穴在脚外踝上一夫一云四寸是凡此諸穴灸不必一頓灸盡數壯可日日報灸之三日之中灸令盡壯數爲佳凡病一脚則灸一脚病兩脚則灸兩脚凡脚弱病皆多兩脚又一方云如覺脚惡便灸三里及絕骨各一處兩脚惡者合四處灸之多少隨病輕重大要雖輕不可減百壯不瘥速以次灸之多多益佳一說灸絕骨最要人有患此脚弱不卽治及少腹腹腫大上氣於是乃須大法灸隨諸腧及諸管關節腹背盡灸之并服八風散往往得瘥者諸管腧節解法並在第二十九卷中覺病入腹若病人不堪痛不能盡作大灸但灸胸心腹諸穴及兩脚諸穴亦有得好瘥者凡量一夫之法覆手并舒四指對度四指上中節上橫過爲一夫夫有兩種有三指爲一夫者此脚弱灸以四指爲一夫也亦有支法存舊法梁邱犢鼻三里上廉下廉解谿太衝陽陵

泉絕骨崑崙陰陵泉三陰交足太陰伏瀦然谷湧泉  
承山束骨等此一十八穴舊法多灸百會風府五臟  
六腑膈募項來灸者悉覺引氣向上所以不取其法  
氣不止者可用之其要病已成恐不救者悉須灸之  
其足十趾去指奇一分兩足凡八穴曹氏乃曰八衝  
極下氣有效其足十趾端名曰氣端日灸三壯並大  
神效其八衝可日灸七壯氣下卽止病者非深相委  
悉慎勿爲人灸之慎之凡灸八衝須小作艾炷

論服湯藥色目

風毒之氣入人體中脈有三品內外證候相似但脈  
有異耳若脈浮大而緩宜服續命湯兩劑應瘥若風  
盛宜作越婢湯加白朮四兩若脈浮大緊轉駛宜作  
竹瀝湯若病人脈微而弱宜服風引湯此人脈多是  
因虛而得之若大虛短氣力乏可其間作補湯隨病  
冷熱而用之若未愈更服竹瀝湯若病人脈浮大而  
緊駛此是三品之中最惡脈也或沉細而駛者此脈  
正與浮大而緊者同是惡脈浮大者病在外沉細者  
病在內治亦不異當消息以意耳其形尚可而手脚  
未容至弱數日之中氣上卽便命終如此之脈往往  
有人得之無一存者急服竹瀝湯日服一劑切要湯

勢常令相及勿令半日之中空無湯也此湯竹汁多服之若不極熱輒停在胸心更爲人患每服當使極熱若服竹瀝湯得下者必佳也若已服三劑竹瀝湯病及脈勢未折而苦脹滿可以大鱉甲湯下之湯勢盡而不得下可以圓藥助湯令下下後更服竹瀝湯趣令脈勢折氣息料理便停服三十二物八風散佳凡初得病使摩野葛膏日再頑痺脚弱都愈乃止若服竹瀝湯脈勢折如未病時氣力轉勝脚故未能行體力充足然後漸微行步病重者瘥後半年始能扶人行耳既覺脈及體內瘥但當勤服八風散勿以脚未能行輕加餘治未必全得益更生諸惡失此諸治也獵人邊亦勿行野葛膏有人聞竹瀝湯云恐傷要部者卽勿與治宜知此法此皆人無受入性不可與醫故也不爲疑者說此之謂也竹瀝湯有三首輕者服前方重者以次第服後方此風毒乃相注易病人宜將空缺服小金牙散以少許塗鼻孔耳門病人及新亾人喜易人強健人宜將服之亦以塗耳鼻乃可臨近亾人及親疾者絳囊帶一方寸七男左女右臂上此散毒服宜從少爲始金牙散方在十四卷臚臚門病人惟宜飲赤小豆散冬服側子金牙酒續命

湯治風毒病初得似時行毒病而脈浮緩終不變駛  
此不治或數日而死或得便不識人或發黃或發斑  
或目赤或下部穿爛者此最急得之即先服續命湯  
一劑須服葛根湯麻黃湯下之若此不折更與續命  
兩三劑必瘥此病大急常令湯勢相接不可使半日  
缺湯即便殺人續命湯方見  
十卷諸風門

湯液第二方三十八首  
附裹脚方

第一竹瀝湯 治兩脚痺弱或轉筋皮肉不仁腹

脹起如腫按之不陷心中惡不欲食或患冷方

竹瀝 五升 甘草 秦艽

葛根 黃芩 麻黃

防己 細辛 桂心

杏乾薑 茯苓 防風

升麻 附子 杏仁

右十五味咬咀以水七升合竹瀝煮取三升分三

服取汗千金翼方無茯苓  
杏仁有白朮一兩

第二大竹瀝湯 治卒中風口噤不能言四肢緩

縱偏痺攣急風經五臟恍惚恚怒無常手足不

隨方

竹瀝 獨活 芍藥

防風

茵芋

甘艸

白朮

葛根

細辛

黃芩

芎藭

桂心

防已

人參

石膏

麻黃

生薑

茯苓

烏頭

木

三

右十九味咬咀以竹瀝煮取四升分六服先未汗者取汗一狀相當卽服  
第三竹瀝湯 治風毒入人五內短氣心下煩熱手足煩疼四肢不舉皮肉不仁口噤不能言語

及方古全錄錄命試中桂聖人參

干竹瀝

一斗九升

防風

茯苓

桂心

秦艸

各三兩

當歸

黃芩

千金翼作芎藭

人參

芎藭

千金翼作防已

細辛

升麻

桂心

甘艸

升麻

千金翼作通艸

麻黃

白朮

各二兩

附子

二枚

蜀椒

一兩

葛根

五兩

生薑

八兩

右十八味咬咀以竹瀝煮取四升分五服初得病卽須摩膏日再痺定止  
千金翼無麻黃蜀椒生薑  
脚氣多由濕著於經是以首推竹瀝湯次第三方

衍義

千金方卷之十一

三

掃葉山房

咸本南陽麻黃附子細辛湯而兼麻黃越婢及大  
小續命等方之制以麻黃開衛附子行經細辛通  
痺桂心走陰躄杏仁達陽維甘艸解毒和中乾薑  
開痺逐濕防己專治腳氣防風并療賊風黃芩兼  
除標熱升麻葛根開提於上秦艸茯苓降泄於下  
竹瀝專化經絡四肢痰濕故於大續命中特採以  
之名方爲脚氣之首推 其第二方乃以烏頭代  
附子生薑代乾薑蓋烏頭辛烈祛風之力迅於附  
子生薑性暴開痰之功速於乾薑卽二味之變通  
又於古今錄驗續命方中採取人參石膏芍藥三

味以人參助麻黃烏頭力開痺著石膏佐黃芩竹  
瀝滌除旺氣越脾全方但少大棗一味并採小續  
命中芍藥佐芍藥入血搜風復採金匱防己茯苓  
湯中茯苓佐桂心逐濕安中千金防己湯全在其  
中但不用苦酒煎服更採倉公當歸湯中獨活專  
祛下部風濕且參茵芋一味專通關節拘攣性味  
雖劣外臺千金恒用之惜乎近世藥肆罕得 其  
第三方卽於第二方中除去獨活之風燥茵芋之  
毒劣防己之傷陰石膏之傷陽仍用第一方中附  
子以監麻黃之散升麻以載人參之功秦艸以助

芎歸之力蜀椒以壯桂附開痺之勳也千金脚氣諸方獨得深師奧旨詳竹瀝湯三方首治方張用法貴專而擒縱須畱餘地次臨堅壘非長驅戮力何以克敵重圍向後邪勢稍平卽當驗其虛實擊其墮歸故無取於峻攻也三方次第可見一斑曷觀論中所云脚氣之病多由氣實而死終無一人服藥致虛而殂其方中用參成爲助力攻邪而設殊非補虛之謂若執迷藥性用方者請毋事此按風痺門中竹瀝湯較脚氣門中三方大同小變其風痺第一方較脚氣第一方少秦艽細辛乾薑

茯苓升麻多人參川芎芍藥羚羊石膏生薑較此第二方少獨活茵芋白朮細辛茯苓烏頭多附子羚羊較此第三方少茯苓秦艽當歸細辛升麻白朮蜀椒多防己芍藥羚羊杏仁石膏 風痺第二方藥止八味較脚氣第二方所少頗多獨多羚羊一味 風痺第三方較脚氣第三方少獨活芍藥石膏防己羚羊多秦艽當歸茯苓白朮細辛蜀椒再攷肝藏門中竹瀝瀉熱湯及癰疽門中小竹瀝湯大都相類與脚氣門中第二大竹瀝湯尤爲相類其小竹瀝湯獨多射干枳實其餘細微出入



不暇瑣述

麻黃湯 治惡風毒氣脚弱無力頑痺四肢不仁

失音不能言毒氣衝心有人病者但一病相當

即服此第一服次服第二第三第四方

麻黃 一兩 大棗 二十枚 茯苓 三兩

杏仁 三十枚 防風 二兩 白朮 二兩

當歸 二兩 升麻 二兩 川芎 二兩

芍藥 二兩 黃芩 二兩 桂心 二兩

麥冬 二兩 甘艸 各二兩

右十四味咬咀以水九升清酒七升合煮取二升

半分四服日三夜一覆令小汗粉之莫令見風

第二服獨活湯方

獨活 四兩 乾地黄 三兩 生薑 五兩

去葛根 二十里桂心 二兩 甘艸 二兩

麻黃 二兩 芍藥 各二兩 杏仁 三升 四服

右八味咬咀以水八升清酒二升合煎取二升半

分四服日三夜一腳弱特忌食瓠子蕞菜犯之一

世治不愈

第三服兼補厚朴湯 并治諸氣咳嗽逆氣嘔吐

方

厚朴

川芎

桂心

乾地黄

芍藥

當歸

人參 各二兩

黃芪

甘艸 各三兩

吳茱萸 二升

半夏 七兩

生薑 一斤

右十二味咬咀以水二斗煮猪蹄一具取汁一斗二升去上肥內清酒三升合煮取三升分四服相去如人行二十里久

第四服風引獨活湯兼補方

獨活 四兩

茯苓

甘艸 各三兩

升麻 一兩半

人參

桂心

防風

芍藥

當歸

黃芪

乾薑

附子 各二兩

大豆 二升

右十三味咬咀以水九升清酒三升合煮取三升半分四服相去如人行二十里久更進服

行義

前竹瀝湯三方專祛下焦筋骨之痺此麻黃湯等四方專祛上攻血脈之痺故以芎歸芍藥苓防大棗小續命中六味參入麻黃湯中以開血脈之邪兼升麻載諸藥於上苓朮滲濕著於下麥門冬專為失音而設 第二方獨活湯即於麻黃湯中除

去杏仁之散血易入芍地之和營更以獨活通痺  
葛根開腠生薑辛散為通痺之宣使 第三方兼  
補厚朴湯乃於金匱半夏厚朴湯中退蘇進桂合  
四物保元兼調血氣故曰兼補因有嘔逆故加吳  
茱萸用猪蹄汁和酒煮者取血肉之味引領諸藥  
入胃也 第四方風引獨活湯專取獨活散膝脛  
風痺黑大豆療風毒脚氣仍合保元溫助血氣兼  
取真武湯中茯苓芍藥以制獨活附子之燥烈以  
除經脈牽引之掣痛歸桂升防雖無麻杏逐痺之  
力量亦是驅風活血之巨擘故千金以之魚貫而

列

防風湯 治脚痺并治毒氣上衝心胸嘔逆宿癖  
積氣疝氣諸病相當即服之方

防風

麻黃

川芎

人參

芍藥

當歸

茯苓

半夏

甘艸

橘紅 各一兩

鱉甲

生薑

桂心 各二兩

杏仁 一兩半

赤小豆 一升

貝子

烏梅 各五枚

大棗 二十枚

吳茱萸 五合

犀角

羚羊角 各半兩

薤白十四枚

右二十二味咬咀以水一斗煮取三升分三服一日令盡 一方用水一斗二升間食糜 一方半

夏二兩隨時用

衍義

防風湯方下主治脚痺毒氣衝心雖合桂枝麻黃

二方和營開痺為主究其所治尤在衝心毒氣攻以犀角羚羊鱉甲貝子解毒舒筋散血消堅之味協濟桂枝麻黃之力參苓芍歸又協濟犀角羚羊鱉甲貝子之力也然痺濕外著必有痰氣內伏有諸內形諸外是二陳薑半又不可缺其吳茱萸下

氣逐痺赤小豆利水泄熱薤白滌除陳垢烏梅收斂脾津各有所主至於防風一味乃卒伍卑賤之職千金獨取名方者以本經主治惡風風行周身骨節疼為治風之專藥先哲不以人廢言不以名廢實其斯之謂歟

獨活湯 治脚痺方

獨活 四兩

當歸

防風

茯苓

芍藥

黃芪

葛根

人參

甘艸

各二兩

大豆 二升

附子 一枚

乾薑

三兩

右十二味咬咀以水一斗清酒二升合煮取三升分三服

衍義此與前風引獨活湯藥味相仿功用亦相仿彼用升麻此用葛根二味總入陽明之經較之前方附子減半而少桂心一味用方者須詳病勢淺深而取用於彼此之間可也

越脾湯 治風痺腳弱方

麻黃 六兩

石膏 八兩

白朮 四兩

大附子 一枚

生薑 三兩

甘草 二兩

大棗 十五枚

右七味咬咀以水七升先煮麻黃再沸掠去沫入

諸藥煮取三升分三服覆取汗胡洽方只五味若惡風者加附子一枚多痰水者加白朮四兩

衍義金匱越脾湯治濕伏於經故用麻黃發越在表之

濕石膏降泄在裏之熱一舉而兩解之加朮則治下焦腳弱以朮能滲濕也然風毒脚氣濕壅最甚非籍附子之大力無以開之今以朮附朮入越脾湯中卽是近効白朮附子而兼越脾之製得此金錁何憚堅壘不克

治脚弱神驗方

防己

蜀椒

細辛

桂心

麻黃

石膏

獨活

防風

黃芩

茵芋

葛根

川芎

芍藥

甘艸

生薑

茯苓各三兩

烏頭二枚

右十七味咬咀以竹瀝一斗煮取四升分六服令一日一夜服盡其間可常作赤小豆飲有人脚弱先服常用竹瀝湯四劑未覺增損作此方後覺得力又云脈沉細駛風在內者作此湯也

義仿

治脚弱方多有太端相類於中略易一二味者如此方與前大竹瀝湯但少人參白朮而多蜀椒一味則功用殊分彼以中風本虛故宜參朮兼扶胃氣而行藥力此專治風毒脚氣則蜀椒為之必需而參可無預也

風引湯 治兩脚疼痺腫或不仁拘急不得行方

麻黃

石膏

獨活

茯苓各二兩

吳茱萸

附子

秦艸

細辛

桂心

人參

防風

川芎

防已

甘艸各一兩

乾薑一兩半

白朮三兩

杏仁六十枚

右十七味咬咀以水一斗六升煮取三升分三服

取汗

衍義

風引者風引末疾而四肢引動也故立方專以木附為主而兼麻黃越脾麻附細辛麻杏甘石苓桂朮甘甘薑苓朮等方之製其金匱六石風引湯千金更名紫石散列之腸腑風癩門中與此風馬牛不相涉也

大驚甲湯 治脚弱風毒攣痺氣上及傷寒惡風

溫毒山水瘴氣熱毒四肢痺弱方

驚甲二兩

防風

麻黃

白朮

石膏

知母

升麻

茯苓

橘皮

芎藭

杏仁

人參

半夏

當歸

芍藥

萎蕤

甘艸

麥門冬各一兩

羚羊角

大黃一兩半

犀角

青木香

雄黃各半兩

大棗二枚

貝齒

烏頭七枚

生薑三兩

薤白 十四枚

吳茱萸 五合

麝香 三銖

赤小豆 三合

右三十一味咬咀以水三斗煎取四升分六服相去十里久得下止 一方用大黃半兩畏下可止

用六銖 一方用羚羊角半兩毒盛可用十八銖

胡洽有山茱萸半升為三十二味千金翼加知母升麻橋皮川芎人參當歸玉竹

小驚甲湯 治身體虛脹如微腫胸心痞滿有氣

壯熱小腹厚重兩脚弱方

驚甲

黃芩

升麻

麻黃

羚羊角

桂心

杏仁 各三兩

前胡 四兩

烏梅 二十枚

薤白 三十枚

右十味咬咀以水一斗煮取二升七合分三服此常用若體強壯欲須利者加大黃二兩

風緩湯 治脚弱舉體痺不仁熱毒氣入藏胸中

滿塞不通食即嘔吐方

獨活

麻黃

犀角 各三兩一用羚羊角

半夏 一升

大棗

烏梅 各二枚

桂心

驚甲

升麻

橘皮

枳實

甘艸



吳茱萸

大黃各一兩

生薑

石膏

各六兩

貝齒

七枚

右十七味咬咀以水一斗四升煮取四升分五服日三夜二不瘥至三劑必瘥

衍義

驚甲消堅化毒而兼羚羊辟惡舒筋犀角解毒散血貝子奠堅破結與前防風散主治不甚相遠較防風散祇少桂心烏梅參入白朮石膏知母升麻玉竹麥冬大黃雄黃烏頭麝香青木香十一味總皆辟治熱毒之品毒邪深伏非此無以激之使散也 小驚甲湯十味藥中與大驚甲湯相同者六

味又採大驚甲湯所去防風散中桂心烏梅二味散結收津可見防風散之一味不可裁汰也其黃芩前胡不過除標熱之報使耳 風緩湯十七味中十味與防風散大驚甲湯二方皆同補採桂心烏梅二味又與小驚甲湯二方相同復採大驚甲湯中石膏升麻大黃三味內外上下開泄毒邪惟枳實佐大黃為熱毒入藏而設獨活佐防風為體痺不仁而設然總不離防風散之繩墨 治脚氣初發從足起至膝脛骨腫疼者方

取蟬麻葉切搗蒸薄裏之日二三易即消蟬麻

子似牛蟬蟲故名蟬麻也若冬月無蟬麻取蒟

藿根搗研和酒糟三分根一分合蒸熱及熱封

裹腫上如前法日二即消亦治不仁頑痺此方非湯

不當見此然以前後三方俱出蘇長史更不分出

若腫毒已入脛至小腹小便澀少者方

取烏特牛屎一升二服日二取消乃止千金翼云羸瘦

人二分屎一分牛乳合煮乳浮結乃服之

若腫已消仍有此候者急服此湯方蘇長史方神驗

麻黃 射干 人參

茯苓 防已 前胡

枳實各二兩 半夏 犀角

羚羊角 青木香 橘皮

杏仁 升麻各一兩 生薑五兩

獨活三兩 吳茱萸一升

右十七味咬咀以水一斗二升煮取四升分五服相去二十里久中間進少粥以助胃氣此湯兩日服一劑取病氣退乃止以意消息之若熱盛喘煩者加石膏六兩生麥冬一升去吳萸若心下堅加鱉甲一兩

衍義蟬麻子開通諸竅拔毒外出取葉蒸熟薄裹亦能

通竅拔毒薊藿一名陸英本經治骨間諸病四肢  
疼痠外臺千金多用之 毒濕內攻入脛脛與臑  
同牛屬坤土取三歲壯特之尿以通水道利毒熱  
也 外腫已消而喘脹未平急攻內毒所主之方  
不出大小驚甲及風緩湯中諸法觀方後心下堅  
加驚甲一語大義灼然

夫脚氣之病先起嶺南稍來江東得之無漸或微覺  
疼痺或兩脛腫滿或行起瀯弱或上入腹不仁或時  
冷熱小便祕瀯喘息氣衝喉氣急欲死食嘔不下氣  
上逆者皆其候也若覺此症先與

犀角旋覆花湯方

犀角

旋覆花

各二兩

橘皮

茯苓

生薑

各三兩

大棗

七枚

香豉

一升

紫蘇莖葉

握一

右八味咬咀以水八升煮取二升七分合分三服相

去十里久服之以氣下小便利為度

崔氏名小犀角湯如其不

下服後大犀角湯

大犀角湯

療脚氣毒衝心變成水身體遍腫悶

絕欲死方

犀角

旋覆花

防已

白朮

桂心

橘紅

黃芩

生薑

桑皮

前胡

各四兩

茯苓

各二兩

香豉

一升

大棗

十枚

紫蘇莖葉

握一

右十四味咬咀以水九升煮取二升七分三服相去十里久取下氣為度若得氣下小便利脚腫即消能食若服湯竟不下氣急不定仍服後犀角麻黃湯崔氏又以白前代白朮無防已黃芩桑白皮各旋覆花湯

犀角

麻黃

防風

獨活

崔氏用茯苓

防已

川芎

白朮

羚羊角

崔氏用附子

當歸

黃芩

各二兩

石膏

四兩

生薑

甘艸

杏仁

崔氏用油辛

桂心

各三兩

右十五味咬咀以水二斗煮麻黃去沫取汁八升下藥煎取三升分三服相去十里久服訖覆取汗若不瘥五日後更一劑取汗同前

衍義

脚氣須分新久主治方為合轍前竹瀝湯麻黃湯先後次第已見一斑又採深師諸方則以犀角旋覆花湯為之首列方中犀角解毒散血旋覆開結

下氣橘皮消痰止逆茯苓除濕安中香豉祛瘴辟邪紫蘇寬隔導滯薑棗和營達衛脚氣門中喫緊神丹初發用之使毒從表解表氣宣通裏氣下降則毒隨洩利當無腫滿之虞矣 服小犀角湯毒盛不解毒氣衝心遍體腫脹急於前方加生木桂心防已黃芩桑皮前胡名大犀角湯 服大犀角湯氣急不定必須麻黃越脚麻杏仁石方得開發肺氣仍不出風引風緩大小鱉甲等方取裁也

茱萸湯

治脚氣入腹困悶欲死腹脹方

蘇長史方

吳茱萸

六分

木瓜

兩顆切

右二味以水一斗三升煮取三升分三服相去如

人行十里久進一服或吐或汗或利或大熱悶即

瘥

此起死同生方

衍義

吳茱萸善降逆氣專入肝經旁及脾胃本經言溫

中下氣止痛治濕通血痺逐酒濕開腠理得木瓜

之酸收下降為脚氣之專藥藥貴簡而功力專勝

於博採類聚之治也

小風引湯

治中風腰脚疼痛弱者方

胡洽名大風引湯

獨活

茯苓

人參

各三兩

防風

當歸

甘草

乾薑

石斛

各二兩胡洽作黃芪

附子

一枚

大豆 二升

右十味咬咀以水九升酒三升煮取三升分四服

服別相去如人行十里久

胡洽云南方治脚弱與此別用升麻一兩半夏

芍藥各一兩合十三味本只有十味減當歸石斛名小風引湯刪繁方無石斛以療肉極寒肌肉變

舌痿名曰惡風腰痛脚弱

衍義

此本長沙四逆加人參湯以攻伏匿之本邪加獨

活防風以祛下部之賊風茯苓石斛以化外淫之

標熱當歸大豆以潤血脉之引急也

四物附子湯 治風濕相搏骨節煩疼四肢拘急

不可屈伸近之則痛自汗出而短氣小便不利

惡風不欲去衣或頭面手時時浮腫方

附子 二枚

桂心 四兩

白朮 三兩

甘艸 二兩

右四味咬咀以水六升煮取三升分三服微汗愈

大汗煩者一服五合體腫者加防已四兩悸氣小

便不利加茯苓三兩既有附子今加生薑三兩

衍義

桂枝附子湯本治太陽例中風濕相搏一身盡痛

不能轉側若其人大便鞭小便自利去桂枝加白

朮此易桂心去薑棗入於脚氣方中亦屬太陽例

病以故見證不殊觀方後體腫加防已一語深有切於脚氣也

治脚弱風毒實及嶺南瘴氣面腫乍寒乍熱似瘧狀脚腫氣上心悶咳嗽癱緩頑痺方

麻仁

升麻

麻黃

射干

菖蒲

芫硝

甘艸

大黃

各一兩

豉

三合

右九味咬咀以水六升煮取二升半內芫硝又煎三沸分三服微利一二行解毒熱有腫滓薄之凡覺氣滿輒服一劑佳

衍義

風毒因瘴癘之氣而患癱緩頑痺所見多是表症其氣上心悶咳嗽又屬裏氣之病故以麻黃升麻開發表氣芫硝大黃疎滌裏氣麻仁菖蒲潤燥開竅射干專治熱毒攻咽甘艸調和諸藥性味也道人深師增損腎瀝湯 治風虛勞損挾毒脚弱疼痺或不隨下焦虛冷胸中微有客熱心虛驚悸不得眠食少失氣味日夜數過心煩迫不得臥小便不利又時復下湘東王至江州王在嶺南病悉如此極困篤余作此湯令服即得力病似此者服無不瘥隨宜增損之方

黃芪

甘艸

芍藥

麥冬

人參

肉蓯蓉

乾地黄

赤石脂

茯神

地骨白皮

當歸

遠志

磁石

枳實

防風

龍骨

各一兩

桂心

川芎

各二兩

生薑

四兩

五味子

三合

大棗

三十枚

白羊腎 一具

半夏 一升

右二十三味咬咀以水二斗煮羊腎取汁一斗二升內諸藥煮取四升分爲五服不利下者除龍骨

赤石脂小便瀉以赤茯苓代茯神加白朮三兩多

熱加黃芩一兩遺溺加桑螵蛸二十枚

胡洽方無黃芪蓯蓉

赤石脂地骨皮磁石枳實防風龍骨半夏有黃芩爲十五味

衍義

脚氣皆由邪實惟增損腎瀝湯一方乃治脚氣之

變法深師因借腎藏門中腎瀝湯增損以治湘東

王在嶺南所患之病夫所謂腎瀝者風毒襲於胞

中痺著不通甚則結塊阻塞溺孔艱苦異常蓋尊

貴之體無非參養斷喪太過痰濕上壅真元下竭

難與尋常脚氣並論故方下特爲表出乃於腎瀝

湯本方中損去元參之侵損虛陽澤瀉之傷犯氣



化增入枳實半夏推陳致新石脂龍骨專司蟄藏  
從蓉遠志兼寓開閤門冬地黃大棗滋培津血緣  
其人宿有罅漏不勝疎泄故去彼取此確有至理  
存焉須與二十一卷腎藏門中腎瀝湯本方及十  
卷賊風門中腎瀝湯參看自明

石膏湯 治脚氣風毒熱氣上衝頭面面赤瘞急  
鼻塞去來來時令人昏憤心胸恍惚或苦驚悸  
身體戰掉手足緩縱或酸痺頭目眩重眼反鼻  
辛熱氣出口中或患味甜諸惡不可名狀者方

石膏

龍膽

升麻

芍藥

貝齒

甘艸

鱉甲

黃芩

羚羊角

各一兩

橘皮

當歸

各二兩

右十一味咬咀以水八升煮取三升分三服

衍義

此大小鱉甲湯之變法彼主風毒瘴氣外顯表邪  
故用麻黃升麻引邪外泄此治熱毒上衝昏憤恍  
惚故用龍膽石膏引邪內泄雖同用鱉甲羚羊貝  
齒解毒攻堅而從表從裏隨其攸利靈機活法於  
斯可推

半夏湯

治脚氣上入腹腹急上衝胸氣急欲絕

方

半夏 一升

桂心 八兩

乾薑 五兩

甘艸

人參

細辛

附子 各二兩

蜀椒 二合

右八味咬咀以水一斗煮取三升分三服初稍稍進恐氣衝上格塞不得下小小服通人氣耳

衍義脚氣用補乃證治之變此以病久正氣傷憊濁邪亢劇不得已而用四逆加入人參湯更加半夏蜀椒桂心細辛專散入腹衝胸濁陰之氣為急若兼攻外毒則救裏勢分不能克濟專功矣觀方後服法

一以元氣式微難勝驟補一以病氣悍逆慮其格塞一以藥力峻溫恐其僭上所以只宜小小服之以通人氣非洗心體會不知諒人元氣之奧

烏頭方湯 治風冷脚痺疼痛攣弱不可屈伸方

烏頭

細辛

蜀椒 各一兩

甘艸

秦朮

附子

桂心

芍藥 各二兩

乾薑

茯苓

防風

當歸 各三兩

獨活 四兩

大棗 二十枚

右十四味咬咀以水一斗二升煮取四升分五服

若熱毒多服亦佳

衍義

此方證治較前半夏湯證元氣稍強病氣稍盛故於本方中裁去人參半夏專用烏頭力追風毒更加獨活防風以祛風秦艽茯苓以滲濕當歸芍藥以和營用大棗者取其甘溫統領諸藥入脾脾主百體合內外而均沾藥力也

追毒湯 治脚弱風熱上入心腹煩悶欲絕方

半夏

生薑

黃芪

甘艸

當歸

人參

厚朴

獨活

橘皮

枳實

麻黃

乾地黃

芍藥

桂心

貝子

大棗

右十六味咬咀以水一斗三升煮取三升六合分

四服日三夜一

衍義

方中參芪甘艸歸地芍藥皆為麻黃獨活桂心枳橘朴貝薑棗助力追毒殊非調養氣血之謂觀方名二字其義昭然

風緩湯 治脚弱體痺不仁毒氣上入胸藏中滿

塞不通食輒吐失味方

獨活

甘艸

石膏

各三兩

羚羊角

犀角

麻黃

防風

當歸

升麻

橘皮

吳茱萸

桂心

半夏

鱉甲

枳實

生薑

大棗

貝齒

烏頭

二兩一作烏梅七枚

貝齒

六兩

二十枚

七枚

右十九味咬咀以水一斗四升煮取四升一服一

升若有少虛熱者加乾地黃二兩

衍義風緩前後兩方藥品主治大率相類前方多大黃

烏梅意在追風下行後方多烏頭羚羊防風當歸

意在祛風外散觀後方虛熱加乾地黃專為烏頭

而設雖同主風緩各尋門戶而予邪之出路也

紫蘇子湯 治脚弱上氣昔宋湘東王在南州患

脚氣困篤服此湯大得力方

紫蘇子

半夏

前胡

厚朴

甘艸

當歸

橘皮

大棗

生薑

桂心

右十味咬咀以水一斗三升煮取三升半分五服

日三夜二

衍義

脚氣患在濁氣上攻故以蘇子橘皮前胡厚朴辛  
温降氣半夏生薑滌除痰濕桂心當歸温散滯血  
甘艸大棗調和中氣全以降泄逆氣為主故局方  
更名蘇子降氣湯後世取治虛陽上攻痰涎壅盛  
肺氣喘滿服之氣降即安可見用方但取合宜不  
必拘執何病主治也

附子湯 治濕痺緩風身體疼痛如欲折肉如錐

刺刀割方

附子 三枚

茯苓

人參

甘艸

桂心

各三兩

白朮

四兩

右七味咬咀以水八升煮取三升分二服

衍義

南陽太陽例中甘艸附子湯本治風濕相搏骨節

煩疼掣痛千金借治濕痺緩風可謂當矣又恐辛

温太過津隨汗泄更合少陰例中附子湯取人參

固氣芍藥斂津茯苓滲濕并助桂附之雄庶無風

去濕不去虛風復入之患矣

防風湯 治肢體虛風微瘕發熱支節不隨恍惚

狂言來去無時不自覺悟南方支法存所用多

得力温和不損人為勝于續命越脾風引等湯  
羅廣州一門南州士人常用亦治脚弱甚良方

防風 麻黃 秦艽

獨活 生薑 半夏 各二兩

當歸 遠志 甘艸

防己 人參 黃芩

升麻 芍藥 各一兩 石膏 半兩

麝香 六銖

右十六味咬咀以水一斗三升煮取四升一服一  
升初服厚覆取微汗亦當兩三行下其間相去如

疾者倍用當歸加桂心三兩不用大黃 一方用

白朮一兩

衍義

方中明言功用勝于續命越脾風引諸湯攷其藥  
味與防風散大驚甲湯相同者及方後又云有熱  
加大黃有寒加桂心總不出大驚甲湯防風散中  
之法

甘艸湯 治脚弱舉身洪腫胃反食穀吐逆胸中

氣結不安而寒熱下痢不止小便難服此湯即

益亦服女麴散利小便腫消服大散摩膏有驗

甘艸

人參

各一兩

半夏

一升

桂心

蜀椒

各三兩

小麥

八合

大棗

二十枚

生薑

八兩

吳茱萸

二升

右九味咬咀以水一斗三升煮小麥取一斗去小

麥內諸藥煮取三升分六服

女麴散見第十卷第八篇中

衍義

脚弱浮腫脾虛濕著也故以桂椒萸半辛温散結

參甘小麥甘温益氣生薑大棗辛甘和營共裏逐

濕之功而脚膝受蔭矣

恒山甘艸湯 若寒熱日再三發可服此方

恒山 三兩

甘艸 一兩

右二味咬咀以水四升煮取一升半分三服相去

五里久一服

衍義

恒山善祛濁濕痰垢甘艸解毒和中毒濕蠲除而

脚弱自愈烏有寒熱之患乎

丹參牛膝煮散 治脚痺弱氣滿身微腫方

丹參

牛膝

桑白皮

杏仁

升麻

茯苓

猪苓

各四兩

犀角

黃芩

橘皮

防己

白前

澤瀉

桂心

秦艽 各三兩

生薑

李根白皮 各二兩 大麻仁 一升

右十八味搗篩以水一升半內散方寸匕煮取七合輕絹濾去滓頓服日再夏月熱不得服圓散此煮散須年常用大驗

衍義

脚痺而見氣滿身腫脾虛濕熱下滯也以元氣久傷見證亦不甚篤方藥亦不甚峻方中丹參本經治心腹邪氣腸鳴幽幽如走水寒熱積聚破癥瘕止煩滿益氣牛膝本經治寒熱痿痺四肢拘攣膝痛不可屈伸故首推二味以之命方犀角涼血解

毒桂心通利關節李根白皮甄權專療消渴脚氣大麻仁潤燥祛風花名麻勃本經治二十種惡風黑色遍身苦癢逐諸風惡血千金推其花之功用而及於仁專取其潤而治脚痺風燥升麻桑皮杏仁白前開發肺氣而提其上竅茯苓猪苓澤瀉防己宣通氣化而達其下竅秦艽黃芩橘皮生薑清理中氣而散其濕滯一方之中開痺逐水兩得之矣

治腰脇不隨兩脚攣腫方

蜀椒四升以水四斗煮取二斗半甕盛下著火



暖之懸板為橋去湯二寸許以脚踏板柱脚坐  
以綿絮密塞勿令泄氣若疲即出入被以粉摩  
之一食久更入甕常令甕下火不絕勿使湯冷  
如此消息不過七日得伸展并腫亦消

衍義脚氣腰下拒格明是濁陰之邪伏匿於經故用蜀  
椒煮湯漬脚取辛烈之氣蒸動經中滯濕七日便  
得伸展殊非湯藥可及

諸散第三

例一首  
方七首

例曰大法春秋宜服散

八風散 治風虛面青黑土色不見日月光脚氣

痺弱準經面青黑主腎不見日月光主肝宜補

腎治肝方

菊花 三兩

石斛

天雄 各一兩半

人參

附子

甘艸 各一兩  
六銖

鍾乳

山藥

川斷

黃芪

澤瀉

麥冬

遠志

細辛

龍膽

秦芫

石韋

菟絲子

牛膝

菖蒲

杜仲

茯苓

乾地黄

柏子仁

掃葉山房

蛇牀子

防風

白木

乾薑

葶藶

山茱萸 各一兩

五朮

烏頭 各半兩

菴蓉 二兩

右三十三味治下篩酒服方寸七日三不效加至

二七

大八風散 治諸緩風濕脚弱方

巴戟肉

黃芪

桂心

細辛

天雄

草薺

肉蓯蓉

牡荊子

山藥

菊花

萎蕤

山萸

秦朮

黃芩

石斛

骨白朮

礬石

厚朴

龍膽

人參

蜀椒 各半兩

附子

五味 各十銖

菖蒲

茯苓

牛膝 千金翼作乾薑

烏喙

遠志 各一兩

桔梗 三十銖

川芎

白薇

芍藥 各六銖

右三十二味治下篩酒服半寸七日三未驗稍增

令微覺 胡洽無桔梗

術

八風取義專主八方風氣之邪此治風毒脚氣之

面色青黑土色不見日月光渾是陰霾暝日礎潤  
生風之象故千金推廣候氏黑散而立此方方中  
菊花得金水之精英補水以制火益金以平木專  
主虛風蘊熱本經治惡風濕痺者以其能清血脈  
之邪故黑散以之爲君細辛治百節拘攣風濕痺  
痛防風治大風頭眩痛惡風風邪週身骨節疼痛  
乾薑逐濕痺爲菊花祛風之嚮導導火之反間白  
朮治風寒濕痺茯苓治逆氣散結痛利小便堅筋  
骨人參補五臟安精神除邪氣退虛熱與白朮茯  
苓共濟實脾杜風之功方得本經除邪氣之旨其

外柏子仁除風濕安五臟麥門冬潤燥瀆利結氣  
山藥治傷中補虛羸除寒熱邪氣菖蒲治風寒濕  
痺通九竅甘艸治五臟六腑寒熱邪氣卽黑散中  
用桔梗之義石解治傷中除痺濕石韋治勞熱邪  
氣癰閉不通澤瀉治風寒濕痺龍膽治骨間寒熱  
卽黑散中用黃芩之義秦艸治寒濕風痺肢節痛  
草薺治骨節風寒濕周痺遠志除邪氣利九竅烏  
附天雄統治諸風寒濕痿痺拘攣膝痛卽黑散中  
用桂之義續斷續筋骨兔絲續絕傷牛膝治寒濕  
拘攣不可屈伸卽黑散中用芎藭之義杜仲治腰

千金方行書卷一  
脚痛堅筋骨乾地黃治傷中逐血痺黃芪治大風  
癰疾以助諸風藥司閭闔之權卽黑散中用當歸  
之義蛇牀除痺氣利關節山萸治心下邪氣逐寒  
濕痺五味子與肉蓯蓉並強陰益精氣卽黑散中  
用牡蠣之義鍾乳安五臟通百節利九竅卽黑散  
中用礬石之義蓋礬石性瀆辟垢得冷卽止得熱  
則下服後禁忌熱食調理頗難故取鍾乳溫瀆利  
竅之品代用藥性雖殊而功力與礬石不異也  
再按方中參芪甘艸保元之製也參冬五味生脉  
之製也參甘苓朮四君之製也參甘薑朮理中之

製也薑附甘艸四逆之製也參朮薑附參附朮附  
薑附等方之製也附地黃薯苓澤腎氣之製但少  
丹桂也一散之中彙輯諸方以具補天浴日之法  
非深造長沙地步何以之至此其大八風散藥品  
功用與前方不殊仍用黑散中桔梗黃芩川芎又  
以桂心易桂枝礬石易礬石於中裁去牡蠣當歸  
而加巴戟牡荊萎蕤厚朴蜀椒烏喙白薇芍藥以  
中有礬石烏喙之毒劣故以大八風銜之 後第  
十卷諸風門中復有八風散小八風散及八風湯  
並用麻黃非若脚弱之陰毒下匿無取外散之比

內補石解秦艽散 治風虛脚弱手足拘攣疼痺  
不能行脚跗腫上膝小腹堅如繩約氣息常如  
憂恚不能食飲者皆由五勞七傷腎氣不足受  
風濕故也此方悉主之

石解 附子 天雄

桂心 獨活 天冬 各一兩

秦艽 烏頭 人參

乾薑 當歸 防風

杜仲 各三十銖 山萸 莽艸

桔梗 細辛 麻黃

前胡 五味子 各十銖 蜀椒

白芷 各半兩 白朮 各半兩

右二十三味治下篩酒服方寸七日再服不知稍  
增至二七虛人三建皆炮實人亦可生用風氣者  
本因腎虛既得病後毒氣外滿則灸洩其氣內滿  
則藥馳之當其救急理必如是至於風消退四肢  
虛弱餘毒未除不可便止宜服此散推陳致新極  
為良妙此既人情可解無可疑焉 三建皆炮者天  
雄附子烏頭若  
虛人乾薑  
亦宜

衍義 方中獨活防風桔梗白芷前胡細辛麻黃皆走表

千金方後集卷七  
醫  
之藥莽艸大毒本經治疝瘕結氣蕩滌在內宿積  
何反名之內補曷知風毒外擾濕熱內滯雖日從  
事補益負薪救焚何濟於治故於攻發內外藥中  
兼得石斛秦艸引參朮薑桂等味入於殘破之鄉  
以建內補之功雄附烏椒應敵之師歸苒杜仲天  
棘五味守土之員也

秦艸散 治風無久新卒得不知人四肢不仁一  
身盡痛偏枯不隨不能屈伸灑灑寒熱頭目眩  
或口面喎僻方

秦艸

乾薑

桔梗

附子

各一兩

天雄

當歸

天冬

人參

白朮

蜀椒

各十銖

烏頭

細辛

各十銖

甘艸

白芷

山萸肉

麻黃

前胡

防風

五味子

各半兩

右十九味治下篩酒服方寸七日三若老人少服

胡洽方無天冬前胡有莽艸桂心之防已革薺白薇黃芪為二十三味

衍義

即於前方加入甘艸一味解毒和中除去石斛獨

活桂心杜仲莽艸藥力精銳而無毒烈傷中之疑

故不須招揭內補之義

單服松脂 治一切風及大風脚弱風痺方董陸

法亦同

松脂三十斤以棕皮袋盛擊頭鐺底布竹木置袋於上以石五六顆壓之下水於鐺中令滿煮之膏浮出得盡以後量更二十沸接置於冷水  
中易袋洗鍋更煮如此九遍藥成擣篩為散以粗羅下之用酒服一方寸七日二初和藥以冷酒藥入腹後飲熱酒行藥以知為度如覺熱即減不減令人火小便祕澹若澹宜食葱羹仍自

不通宜服生地黄汁微取泄利除忌大麻子以外無所禁 服松脂三十日後即覺有驗兩脚  
似有水流下是效如恐祕澹和一斤松脂茯苓與棗栗許大酥即不澹服經一百日後脚氣當愈

衍義

松脂燥濕祛風是其本性如法修製深有益於服

食之功

淮南八公石斛萬病散 治風濕疼腰脚不隨方

防風

茯苓

菊花

細辛

蜀椒

乾薑

雲母

菴蓉

人參

乾地黄

附子

石斛

杜仲

遠志

兔絲子

天雄

草薺

桂心

牛膝

蛇牀子

白朮

薯蕷

巴戟

菖蒲

川斷

山萸

五味

右二十七味治下篩酒服方寸七日再

義衍

方中菊花細辛防風白朮茯苓乾薑人參黑散方中之七味石解天雄附子薯蕷川斷遠志兔絲牛

膝蛇牀杜仲地黄菖蒲草薺山萸五味菴蓉八風

散中之一十六味蜀椒桂心巴戟又採大八風散

中三味僅加雲母一味攷之本經有治身痺死肌

中風寒熱如在車船上除邪氣安五臟之功較與

大八風散中舉石烏喙之優劣迥乎不侔

茱萸散 治冷風脚跛偏枯半身不隨晝夜伸吟

醫所不治方

吳茱萸

乾薑

白朮

牡荊

千金翼作牡桂

附子

天雄

狗脊

乾漆

薯蕷

掃葉山房



秦艽

防風 各半兩

右十一味治下篩先食服方寸七日三藥入肌膚中淫淫然三日知一月瘥

衍義

前八風散所主之病以有虛風蘊熱非大劑菊花無以直入肯腎其大八風散雖同用菊花不過與諸藥相等石斛萬病散中亦然迺用藥之權度也此茱萸散所主之病全屬風冷濕痺故用吳茱萸之温中下氣止痛除濕通血痺逐風邪開腠理為主兼乾薑之逐風濕祛痰除骨間寒熱附子之治寒濕痿躄之逐風濕祛痰除骨間寒熱附子之治寒濕痿躄

拘攣膝痛不能行步天雄之治大風寒濕痺歷節拘攣緩急狗脊之治腰背強機關緩急周痺寒濕膝痛乾漆之治絕傷續筋骨五緩五急周痺寒濕山藥之治傷中補虛羸除寒熱邪氣秦艽之治寒濕風痺肢痛防風之治惡風風邪週身骨節疼痛與八風散等方同源異派

酒醴第四 例一首 方十七首

例曰凡合酒皆薄切藥以絹袋盛藥內酒中密封頭春夏四五日秋冬七八日皆以味足為度去滓服酒盡後其滓搗酒服方寸七日三大法冬宜服酒至立

春宜停

石斛酒 治風虛氣滿脚疼痺孳弱不能行方

石斛 丹參 五加皮 各五兩

側子 秦艽 杜仲

山萸 牛膝 各四兩 桂心

乾薑 羌活 川芎

橘皮 黃芪 白前

蜀椒 茵芋 當歸 各三兩

薏苡仁 一升 防風 二兩 鍾乳 八兩搗碎別絹袋盛

繫大藥袋內

右二十一味咬咀以酒四斗漬三日初服三合

再稍稍加以知為度

衍義

酒醴之製專行經絡而風痺脚弱之病尤為合宜

石斛酒中大都皆祛風散結開痺和營藥惟茵芋之大毒專主關節風濕痺痛鍾乳之慄悍能通百節利九竅使濕苑之毒從之開泄也

烏麻酒方

烏麻五升微熬搗碎以酒一斗漬一宿隨所能飲之盡更作甚良

衍義

胡麻甘溫而潤雖平補五臟而溫補命門之力居

多以其色黑味雄故錢乙用以煎湯送百祥丸治  
痘瘡變黑歸腎其能開泄腎經毒邪可知苗名青  
囊本經治五臟邪氣風寒濕痺益氣補腦髓堅筋  
骨苗實一本因推而用以漬酒專除下焦風毒脚  
氣而無毒藥傷中之害也

鍾乳酒 治風虛勞損脚疼冷痺羸瘦孳弱不能

行方

鍾乳 八兩

丹參 六兩

石斛

杜仲

天冬 各五兩

牛膝

防風

黃芪

川芎

當歸 各四兩

附子

桂心

秦艽

乾薑 各三兩

山萸肉

薏苡仁 各一兩

右十六味咬咀以清酒三斗漬之三日初服三合  
日再後稍加以知為度

衍義

此卽石斛酒方中除去五加羌活橘皮白前蜀椒  
茵芋而加天門冬也以無茵芋之毒烈故用附子  
而易去側子較之石斛酒尤為穩當

枸杞菖蒲酒 治緩急風四肢不隨行步不正口

急及四體不得屈伸方

菖蒲

五十斤

枸杞子

一百斤

右二味細剉以水四石煮取一石六斗去滓釀二斛米酒熟稍稍飲之

衍義

本經言菖蒲治風寒濕痺咳逆上氣開心孔補五臟通九竅枸杞子主五臟內邪氣熱中消渴周痺風濕久服堅筋骨此雖兼根實而言然所主諸病全是地骨皮之功用用以釀酒深得仙經妙用豈止治風痺脚弱而已

虎骨酒

治骨髓疼痛風經五臟方

虎骨一具炭火炙令黃色槌刮取碎搗研得數

日清酒六升漬五宿隨性多少稍飲之易云虎嘯風生龍吟雲起此亦有情與無情相感治風之效故亦無疑

衍義

虎骨搜風壯筋獨用一味漬酒取其專功風能勝濕故治風痺脚弱有效

蓼酒

治胃脘冷不能飲食耳目不聰明四肢有

氣冬臥脚冷服此酒十日後目既精明體又充壯方

八月三日取蓼曝燥把之如五升大六十把水六石煮取一石去滓以釀酒如常法隨多少飲

之已用訖効甚速

衍義

蓼性温散本經有明目温中耐風寒下水氣治面浮腫之用故千金以之釀酒而治方下諸病甚速本艸言蓼微寒謬矣

小黃芪酒 治風虛痰癱四肢偏枯兩脚弱手不能上頭或小腹縮痛脇下攣急心下有伏水脇下有積飲夜喜夢悲愁不樂恍惚善忘此由風虛五臟受邪所致或久坐腰痛耳聾卒起眼眩頭重或舉體流腫疼痺飲食惡冷瀼瀼惡寒胸中痰滿心下寒疝藥皆主之及婦人產後餘疾

風虛積冷不除者方

黃芪

附子

蜀椒

防風

牛膝

細辛

桂心

獨活

白木

川芎

甘艸

秦艸

烏頭

集驗用山藥三兩

大黃

葛根

乾薑

山萸肉

各二兩

當歸

二兩

右十八味咬咀少壯人無所熬煉虛老人微熬之以絹袋盛清酒二斗漬之春夏五日秋冬七日可先食服一合不知可至四五合日三服此藥攻痺

甚佳亦不令人吐悶小熱宜冷飲食大虛加菹蓉  
二兩下利加女萎三兩多忘加石斛菖蒲紫石英  
各二兩心下多水者加茯苓人參各二兩茱萸三  
兩酒盡可更以酒二斗重漬滓服之不爾可瀑滓  
搗下酒服方寸匕不知稍增之服一劑得力令人  
耐寒冷補虛治諸風冷神良

黃芪酒 治風虛脚疼痿弱氣悶不自收攝兼補

方

黃芪

秦艽

蜀椒

乾薑

獨活

白朮

土川芎

菹蓉

細辛

牛膝

各三兩

葛根

當歸

各二兩半

甘艸

三兩

山萸

桂心

各二兩

菖蒲

二兩半

柏子仁

天雄

鍾乳

防風

各二兩

大黃

一兩

石斛

二兩

烏頭

三兩

石南

一兩

附子

三兩

右二十五味咬咀無所熬煉清酒三斗漬之先食  
服一合不知可至五合日三以攻痺為佳大虛加  
菹蓉下利加女萎多忘加菖蒲各三兩

胡洽有茯苓一兩澤  
掃葉山房

瀉三兩人參茵芋半夏栝蒌根芍藥各一兩無秦  
荒川芎牛膝菴蓉甘艸葛根當歸菖蒲鍾乳大黃  
為二十二味  
名大黃芪湯

**衍義** 黃芪專主風虛而所見諸病靡不由風虛所致故  
用烏附用薑桂用防獨用葛根用芎歸用大黃靡  
不由風虛變證然酒醴之製非專一人雖五臟受  
邪靡不由虛風內賊所以彙次諸藥漬之以酒隨  
宜而用非比湯液之隨證施治也 小黃芪酒方  
下所主諸病較後方不啻數倍豈本方一味不減  
但加鍾乳天雄石南石斛柏子仁菖蒲菴蓉反  
主脚疼痿弱一證耶

茵芋酒 治大風頭眩重目瞽無所見或仆地氣  
絕半日乃蘇口喎噤不開半身偏死拘急痺痛  
不能動搖歷節腫痛骨中痠疼手不能上頭足  
不得屈伸不能躡履行欲傾跛皮中動淫淫如  
有蟲喙軫癢搔之生瘡甚者狂走有此諸病藥  
皆主之方

- |    |    |    |
|----|----|----|
| 茵芋 | 烏頭 | 石南 |
| 附子 | 細辛 | 獨活 |
| 防風 | 蜀椒 | 女萎 |
| 卷柏 | 桂心 | 天雄 |

秦艽

防己

各一兩

躑躅

二兩

右十五味咬咀少壯人無所熬煉虛老人薄熬之清酒二斗漬之冬七日夏三日春秋五日初服一合不知加至二合寧從少起日再以微痺為度胡洽

無蜀椒獨活卷柏為十二味

**衍義**

此方雖列脚氣門中而茵芋石南躑躅等味俱大風惡疾之藥蓋風毒脚弱與大風惡疾本同一氣之病耳

大金牙酒

治瘴癘毒氣中人風冷濕痺口喎面戾半身不遂手足拘攣歷節腫痛甚者小腹不

仁名曰脚氣無所不治方

人金牙

一斤

側子

附子

天雄

人參

菴蓉

茯苓

當歸

防風

黃芪

山藥

細辛

桂心

葶藶

萎蕤

白芷

桔梗

黃芩

遠志

牡荊子

川芎

地骨皮

五加皮

杜仲

厚朴

枳實

白朮



牛膝 丹參 各三兩 獨活 半斤

茵芋 石南 狗脊 各二兩

磁石 十兩 薏苡仁 麥冬 各二升

生石斛 八兩 蒟藿 四兩 生地黄 切一升

右三十九味咬咀以酒八斗漬七日温服一合口四五夜一石藥細研別絹袋盛其藥同漬藥力和善主治極多凡是風虛四體小覺有風痲者皆須將服之無所不治也服者一依方修合不得輒信人言浪有加減

衍義

金牙專辟瘴癘毒風鬼疰惡氣而湯液罕用惟酒

散中間有用之者方中側附天雄辟除陰毒桂心石楠草薜狗脊堅強筋骨蒟藿牡荊茵芋祛逐賊風皆藥中穎銳磁石一味本經治周痺風濕肢節中痛與金牙相為表裏一追風痺外散一杜惡氣內入也人參茯苓黃芪白朮以助側附天雄之威菴蓉牛膝杜仲遠志以助桂南草薜之勢細辛防風獨活白朮以助蒟荊茵芋之力其餘門冬萎蕤山藥薏苡又為人參黃芪之輔丹參川芎當歸地黃又為菴蓉牛膝之輔石斛地骨加皮又為細辛獨活之輔黃芩桔梗開發毒風於外枳實厚朴踈

通惡氣於內無堅不克非獨為脚氣之金錒而入  
風五痺靡不療之其後八卷賊風門中金牙酒方  
藥止十味其七與此相同惟羌活易獨活莽艸易  
茵芋蜀椒易桂心而治躄曳跛躄之證未嘗少遜  
前方也

鍾乳酒 治虛損通順血脈極補下氣方

鍾乳

石斛

茯苓

各五兩

附子

甘菊

各二兩

右五味咬咀以清酒三斗漬服二合日再稍增至

一升

衍義

前鍾乳酒乃石斛酒之變法此用甘菊以清鍾乳  
之悍蕤蓉以濡附子之烈用石斛者專取堅強筋  
骨之力也

秦艸酒 治四肢風手擘不收躄脚疼弱或有拘

急攣縮屈指偏枯痿躄疔小不仁頑痺者悉主

之方

秦艸

天冬

五加皮

牛膝

附子

桂心

各三兩

巴戟肉

杜仲

石南

細辛

各二兩

獨活

五兩

薏苡仁

一兩

右十二味咬咀以酒一斗漬之得氣味可服三合  
漸加至五六合日三夜一

衍義

方中石南巴戟附子桂心渾是溫補命門之藥下  
元真陽不充者宜之若鰥曠之夫陰火不能攝精  
而致體痿弱者誤用此方甚於戈戟斯豈立方  
之過與

木膏酒 治脚弱風虛五勞七傷萬病皆主之方

生白米淨洗一石五斗 搗取汁三斗煎取半

濕荆二十五束束別三尺圍各長二尺五寸經

頭二寸 燒取瀝三斗煎取半

青竹三十束束別三尺圍各長二尺五寸徑一

寸 燒取瀝三斗煎取半

生地黄根五大斗粗大者 搗取汁三斗煎取半

生五加根 三十六斤淨洗訖剉於大釜內以水四石煎之去滓澄清取汁七斗以銅

器中盛大釜內火上煎之取汁三斗五升其煎諸藥法一準五加例

右件白朮等五種藥總計得汁九斗五升好糯米

一石五斗上小麥麴八斤曝乾為末以藥汁六斗

漬麴五日待麴起第一投淨淘米七斗令得三十

遍下米置淨席上以生布拭之勿令不淨然後炊

之下饋以餘藥汁浸饋調強弱更蒸之待饋上痂

生然後下於席上調強弱冷熱如常釀酒法醞之  
甕中密蓋頭三日後第二投更淘米四斗一如前  
法投之三日後卽加藥如左

桂心

甘艸

白芷

細辛

防風

當歸

麻黃

川芎

附子

牛膝

九兩

乾薑

五加皮

各一斤

右十二味咬咀訖第三投以米四斗淨淘如前法  
還以餘汁澆饋重蒸待上痂生下置席上調冷熱  
如常釀法和上件藥投之三日外然後嘗甘苦得

中訖密封頭二七日乃壓取清酒一服四合日再  
服細細加以知爲度溫酒不得過熱慎生冷酢滑  
猪鯉魚蒜牛肉等

衍義

脚氣之病多緣腎虛脾濕所致以脾濕故用白朮  
腎虛故用五加血燥故用地黃風濕故用荆瀝筋  
急故用竹瀝用以釀酒次第更加後藥較之浸酒  
工力雖繁而功用洵不尋常

松葉酒 主脚弱十二風痺不能行服更生散數  
劑及衆治不得力服此一劑便能遠行不過兩

劑方

松葉六十斤咬咀以水四石煮取四斗九升以  
釀五斗米如常法別煮松葉汁以漬米并饋飯  
泥釀封頭七日發澄飲之取醉得此力者甚衆  
神妙

衍義松質堅勁葉擅祛風用以釀酒專治脚弱乃强筋  
骨之應也

治脚氣方

好豉三斗蒸一石米下曝乾如是三上以酒五  
斗漬七日去滓飲惟醉為佳酒盡更以二斗半  
漬之飲之如初

衍義豉本黑豆所蠶蠶成敗穢之氣蒸以米下曝乾漬

酒取治脚氣同氣相入專祛腎家穢惡之邪最捷  
人側子酒得治風濕痺不仁脚弱不能行方

側子  
山萸  
蒟藳根  
杜仲

石斛各四兩  
防風  
細辛  
獨活

秦艽  
桂心  
川芎  
當歸  
白朮  
茵芋各三兩

五加皮五兩  
薏苡仁一升

右二十味咬咀絹袋盛清酒四斗漬六宿初服三合稍加以知為度患目昏頭眩者彌精

衍義

側子酒中一十六味出前石斛酒中但彼用羌活此用獨活彼用鍾乳此用白朮彼用黃芪此用蒟藳彼用橘皮白朮前此用細辛藥雖稍變功用則一

膏第五 例一首 方八首

例曰凡作膏常以破除日無令喪孝污穢產婦下賤人雞犬禽獸見之病在外火灸摩之在內溫酒服如棗核許

神明白膏 治白病中風惡氣及頭面諸病青盲

風目爛皆管翳耳聾鼻塞齟齬齒根挺痛及癰痔瘡癬疥等方

吳茱萸 蜀椒 川芎

白朮 前胡 白芷 崔氏作 各一升

附子 桂心 當歸 各三十銖

細辛 各二兩

右十味咬咀淳苦酒於銅器中淹浸諸藥一宿以成煎猪膏十斤炭火上煎三沸三上三下白芷色黃為候病在腹內溫酒服如彈丸一枚日三日痛取加黍米內兩昔中以日向風無風可以扇扇之

諸瘡痔齩齒耳鼻百病主之皆以膏傅病在皮膚  
炙手摩病上日三肘後九味  
無桂心

衛侯青膏 治百病久風頭眩鼻塞清涕淚出霍

亂吐逆傷寒咽痛脊背頭項強偏枯拘攣或緩

或急或心腹久寒積聚疼痛咳逆上氣往來寒

熱鼠漏瘰癧歷節疼腫關節盡痛男子七傷臚

脹腹滿羸瘦不能飲食婦人生產餘疾諸病癩

疥惡瘡癰腫陰蝕黃疸發背馬鞍牛領瘡腫方

當歸 栝蒌根 乾地黄

廿艸 蜀椒各六兩 半夏七合

桂心 芎藭 細辛

附子各四兩 黃芩 桔梗

天雄 藜蘆 皂莢各一兩半

厚朴 烏頭 莽艸

乾薑 人參 黃連

寄生 續斷 戎鹽各三兩

黃野葛二分 生竹茹六升 巴豆二十枚

石南 杏仁各一兩 猪脂三斗

苦酒一斗六升

右三十一味咬咀諸藥以苦酒漬一宿以猪脂微

火煎之三下三上膏成病在內以酒服如半棗  
在外摩之日三

神明膏 治鼻中乾灌之并摩服方

蜀椒 五合

皂莢

黃芩

石南

黃連

雄黃

桂心

藜蘆 各三

白朮

川芎

大黃

澤瀉 各七

烏頭

莽艸

續斷

人參 各五

半夏

當歸 各十

乾地黄 十一

萎蕤

細辛 各十

附子

桔梗 各一

乾薑 六

戎鹽 杏子大

右二十五味咬咀以苦酒一斗漬之羊髓一斤為  
東南三隅竈內諸藥炊以葦薪作三聚新好土藥  
沸即下置土聚上三沸三下訖藥成以新布絞去  
滓病在外火炙摩之在內溫酒服如棗核日三後  
稍益以知為度

太傅白膏 治百病傷寒咽喉不利頭項強痛腰

脊兩脚疼有風痺濕腫難屈伸不能行步若風

頭眩鼻塞有附息肉生瘡身體隱疹風搔鼠漏



癩癧諸疽惡瘡馬鞍牛領腫瘡及久寒結堅在心腹痛胸痺煩滿不得眠飲食咳逆上氣往來大寒熱婦人產後餘疾耳目鼻口諸疾悉主之亦曰太一神膏方

蜀椒 切各一升 附子 三兩

巴豆 各三 川芎 各三 杏仁 五合

狸骨 各一 細辛 兩半 白芷 半兩

甘艸 二兩 白朮 六兩 一方用當歸 三兩

右十二味咬咀苦酒淹漬一宿以豬脂四斤微火煎之先削附子一枚以繩擊著膏中候色黃膏成

去滓傷寒心腹積聚諸風腫疾頸項腰脊強偏枯不仁皆摩之日一癰腫惡瘡鼠癩癩癧灸手摩之耳聾取如大豆灌之目痛淚出縹白瞖如珠當瞳子視無所見取如稔米傅白上令其人自以手掩之須臾即愈便以水洗視如平復且勿當風三十日後乃可行鼻中痛取如大豆內鼻中并以摩之齩齒痛以綿裹如大豆著痛齒上咋之中風面目鼻口喎僻以摩之若晨夜行辟霜霧眉睫落數數以麩漿洗用膏摩之

曲魚膏 治風濕疼痺四肢羸弱偏跛不仁并癰

腫惡瘡方

大黃

黃芩

莽艸

巴豆

野葛

牡丹

躑躅

芫花

蜀椒

皂莢

藜蘆

附子

各一兩

右十二味咬咀以苦酒漬藥一宿以成煎猪膏二斤微火煎三沸一下別內白芷一斤三上三下白芷色黃藥成去滓微火炙手摩病上日三野葛膏 治惡風毒腫疼痺不仁癩癧惡瘡癰疽腫脛腳弱偏枯百病方

野葛

犀角

蛇啣

莽艸

外臺作茵芋

烏頭

桔梗

升麻

防風

蜀椒

乾薑

鱉甲

雄黃

巴豆

各一兩

丹參

三兩

躑躅花

一升

右十五味咬咀以苦酒四升漬之一宿以成煎猪膏五斤微火煎三上三下藥色小黃去滓以摩病上此方不可施之猥人慎之 胡洽無丹參躑躅有細辛又蘇恭以白芷防已吳茱萸附子當歸代巴豆雄黃蛇啣防風鱉甲 蒼梧道士陳元膏 治一切風濕骨肉疼痺方

當歸

細辛

川芎

各一兩

桂心 五寸

天雄 三十銖

生地 三斤

白芷 一兩半

丹砂 二兩

乾薑 十累

烏頭 三兩

松脂 八兩

猪肪 十斤

右十二味咬咀以地黃汁漬藥一宿煎猪肪去滓

內藥煎十五沸去滓內丹砂末熟攪用火炙手摩

病上日干遍瘡 胡洽有人參防風各三兩附子三

金翼有附子二十二銖雄黃二兩為十五味肘後干

附三升為十五味崔氏與千金翼同裴公八毒膏 治卒中風毒腹中絞刺痛飛尸入

藏及魘寐不寤尸厥奄忽不知人宿食不消温

服如棗核大得下止若毒氣甚咽喉閉塞不能

嚥者折齒內葱葉口中以膏灌葱葉中令下病

腫者向火摩腫上若歲中多温欲省病及行霧

露中酒服之內鼻中亦得方

蜀椒

當歸

雄黃

丹砂 各二兩

烏頭

巴豆 各一升

薤白 一斤

莽艸 四兩

右八味咬咀以苦酒三升漬一宿用猪脂五斤東

向竈葦薪火煎五上五下候薤白色黃絞去滓研

雄黃丹砂如粉內之攪至凝乃止膏成盛不津器

中諸蜈蚣蛇蜂等毒者以膏置瘡上病在外悉傳  
之摩之以破除日合一方用礬石一兩蜈蚣二  
枚是名入毒膏肘後不用巴豆  
莽艸名五毒膏  
衍熬膏都用麻油此則並用猪脂者取異類有情易  
通血氣之病也方下有用相反相激如青膏之人  
參細辛與藜蘆半夏與烏頭並用且多配入野葛  
巴豆之屬總取以毒攻毒而已

孫真人千金方衍義卷七

終

